

續
文
獻
通
考

續文獻通考卷之一百八十五

皇明進士雲間王圻纂輯

六書考 韻學

梁沈約拘於四聲八病始分平上去入號稱類譜然文字之精有聲音曲直毫釐之別音響清濁相生之類五方言語風俗之殊沈以吳音欲一天下之音則音韻之病自此始 梁武問曰何謂四聲約曰天子聖哲是也

唐以詩賦設科益嚴聲律之禁因禮部之掌貢舉易沈約類譜曰禮部韻略字彙弗敢背違雖經二三大儒且謂承襲之久不欲變更縱有患其不通者以其出于朝廷學者亦能盡信惟武夷吳棫患之尤深乃稽易詩書而

下逮於近世凡五十家以爲補韻

邵雍著皇極經世書以天聲倡而地音和之天聲平上去入地音開發收閉

鄭樵曰漢人課籀篆始爲字書以通文字之學江右競風駭始爲韻書以通聲音之學然漢人識文字而不識字母則失制字之旨江左之儒識四聲而不識七音則失立韻之源獨體爲文合體爲字漢儒知以說文解字而不知文有字母生字爲母從母爲子字母不分所以失制字之旨四聲爲經七音爲緯江左之儒知縱有平上去入爲四聲而不知衡有宮商角徵羽半徵半商爲七音縱成經衡成緯經緯不交所以失立韻之源 又曰

凡字書主於母必母權子而行然後能別形中之聲韻
書主於子必子權母而行然後能別聲中之形故字書
以母爲主韻書以子爲主

張守節曰先儒音字比方爲音至魏秘書孫炎始作反音
又爲甚切今並依孫反音以傳後學鄭康成云其始書
之也倉卒無字或以音類比方假借爲之趣於近之而
已受之日非一邦之人其鄉同言異字同音異於茲遂
生輕重訛謬矣然方言差別固自不同河南江南最爲
鉅異或失在浮清或滯於重濁今之取舍異於茲弊耳
三十六字母切韻法

見

經

經經堅見

溪

牽輕牽溪

羣

衢

勤虔羣

疑其魚銀言疑 端多丁顯端 透他他汀天透

定徒廷徒廷田定 泥年年寧年泥 知珍珍珍週知

徹勅勑稱焯徹 澄持持陳厘澄 孃良女女寧年孃

幫博博賓邊幫 滂普普續偏滂 並部部頻蠟並

明眉眉民綿明 非匪匪分蕃非 敗芳芳芬番敷

奉父父墳煩奉 微無無文煩微 精子子津煎精

清七七親干清 從容容牆秦錢從 心思思新仙心

邪徐徐錫涎邪 照之之征擅照 穿昌昌稱燁穿

牀仕仕秦前牀 審式式身擅審 禪時時辰然禪

影於於殷焉影 曉馨馨馨祆曉 匣轄轄刑賢匣

喻俞俞勻緣喻 來郎郎降連來 日入入仁然日

切韻六十字訣

因煙	人然	新鮮	錫涎	迎妍	零連	清千
賓邊	經堅	神禪	秦前	寧年	寅延	真氈
娉偏	亭田	澄纏	平便	繁虔	輕牽	稱燁
丁顛	興掀	汀天	精箋	民眠	聲羶	刑賢
兄喧	營員	初學	者當	留心	熟讀	自然

切字無差

雙聲疊韻譜訣

雙聲疊韻者韻之子母正切回切也如龍字乃盧容切
反云盧零連龍盧字爲韻之子容字爲韻之母零連字
爲韻之祖雙聲者乃子正切得母母回切得子而且同
祖是謂之雙聲疊韻者乃子正切得子母回切得母而

不同祖是謂之疊韻唐人吟詠深以此爲親切劉禹錫詩云出谷嬌鶯新睨睨營巢乳燕舊呢喃睨睨與呢喃乃雙聲也正切睨睨睨睨睨回切睨睨睨與睨睨正切呢喃呢寧年喃回切喃呢喃寧年呢此則雙聲之說明矣又杜甫詩云卑枝低結子接葉暗巢鶯卑枝與接葉乃疊韻也正切卑枝卑賓邊卑回切枝卑枝真羶枝正切接葉接精箋接回切葉接葉寅延葉此疊韻之說明矣

平上去入謂之疊韻連綿謂之雙聲

臨川吳氏曰聲音用三十六字母尚矣俗本傳訛而莫或正也羣當易以芹非當易以威知徹牀娘四字宜廢

圭缺羣危四字宜增樂安陳晉翁以指掌圖爲之節要
卷首有切韻須知於照穿牀娘下註曰已見某字母下
於經聲輕率繁虔外別出扁消傾圈瓊拳則宜廢宜增
蓋已瞭然矣

韓道昭曰切韻者本乎四聲紐以雙音疊韻欲使文章
麗則韻調精明於古人耳或人不達於文性便格於五
音爲定夫五音者五行之響八音之和四聲間迭在其
中矣必以五音爲定則參宮參羽半徵半商引字韻音
各自有清濁若細分其條目則令韻部繁碎徒拘桎於
文辭耳

六書圖

象形

正生

凡象形類計六百八

天物之形八

山川之形三

井邑之形四

草木之形五

人物之形百

鳥獸之形七


蟲魚之形三

鬼物之形二


器用之形八

服飾之形十

側生



兼生



子母同聲三十
母主聲二十

卷之五

主聲不主義 四

諸聲——正生歸本 二萬一千三百四十——變生
子母互為聲 四

凡諧聲類計二萬一千八百十
三體諧聲 十三

聲兼意 三百七十三

事兼聲 六

指事——正生歸本 七十——兼生
事兼形 十一

凡指事類計一百七
事兼意 二十

會意——正生歸本 上四百五十二 下二百四十六——續生——三體會意 四十

凡會意類計七百四十

連類主義轉注 十五

連類主聲轉注 十二

轉注——並生

凡轉注類計三百七十二

互體別聲轉注二百十四

互體別義轉注四十

同音借義三十

借同音不借義四十

協音借義二百

借協音不借義百三十三

因義借音二十

因借而借四十

語辭之借四十

五音之借五

假借——正不生——記生

凡假借類計五百九十八

續文獻通考卷之一百八十五

三詩之借三

十日之借十

十二辰之借十二

方言之借九

友生

雙音並義不爲假借十二

鄭樵六書序曰經術之不明由小學之不振小學之不振由六書之無傳聖人之道惟籍六經六經之作惟籍文言文言之本在於六書六書不分何以見義經之有六書猶奕之有二棋博之有五木奕之變無窮不離二色博之應無方不離五物苟二棋之無別則白猶黑也黑猶白也五木之不分則梟猶盧也盧猶梟也何以决

雌雄小學之義第一當識子母之相生第二當識文字之有間象形指事文也會意諧聲轉注字也假借文字俱也象形指事一也象形別出爲指事諧聲轉注一也諧聲別出爲轉注二母爲會意一子一母爲諧聲六書也者象形爲本形不可象則屬諸事事不可指則屬諸意意不可會則屬諸聲聲則無不諧矣五不足而假借生焉一曰象形而象形之別有十種有天地之形有山川之形有井邑之形有草木之形有人物之形有鳥獸之形有蟲魚之形有鬼物之形有器用之形有服飾之形是象形也惟象形之類則有象貌象數象位象氣象聲象屬是六象也與象形並生而統以象形又有象形

而兼諧聲者則曰形兼聲有象形而兼會意者則曰形兼意十形猶子姓也六象猶嫡庶也兼聲兼意猶姻婭也二曰指事指事之別有兼諧聲者則曰事兼聲有兼象形者則曰事兼形有兼會意者則曰事兼意三曰會意二母之合有義無聲四曰轉注別聲與義故有連類主義亦有連類主義有互體別聲亦有互體別義五曰諧聲母主形子主聲者諧聲之義也然有子母同聲者有母主聲者有主聲不主義者有子母互爲聲者有三體主義者有諧聲而兼會意者則曰聲兼意六曰假借不離音義有同音借義有借同音不借義有協音借義有借協音不借義有因義借音有因借而借有語辭之

借有五音之借有三詩之借有十日之借有十二辰之
借有方言之借六書之道備于此矣臣舊有象類之書
極深研幾盡制作之妙義奈何小學不傳已久見者不
無疑駭今取象類之義約而歸于六書使天下文字無
所逃而有目者可以盡曉嗚呼古者有尉律所以勅小
學也學童十七已上始試諷籀書九千字乃得爲吏又
以八體試之郡移太史并課最者以爲尚書史書或不
正輒舉劾之夫古文變而爲籀書籀書變而爲篆隸秦
漢之人習篆隸必試以籀書者恐失其原也後之學者
六書不明篆籀罔措而欲通經難矣哉且尉律者廷尉
治獄之律也古人於獄訟之書猶不敢苟簡若是而况

聖人之經乎

論象形之惑曰左氏曰反正爲乏正無義也正乃射侯

之正

音征

象其形焉正以受矢乏以藏矢是相反也反正

爲乏其義在此或曰反正爲𠄎

音𠄎

𠄎蔽矢短牆也正以

受矢𠄎以蔽矢是相反也此亦反正爲乏之義邪正之

正無所象故正用侯正之正邪用琅邪之邪並協音而

借是爲假借之書也韓子曰自營爲厶音厶厶非自營之

義也厶於篆文作𠄎象男子之勢故又云鳥𠄎與㊀即

字敵了者交頸之端也故厶勢下垂了狀槌上並是象

形之文若乃自營之厶與了絕之了並同音而借亦爲

假借之書疊作疊祭肉之積在器也从亘祭器也从晶

精音象積肉之形疊與豐同意豐亦俎豆之衍也楊雄以
疊爲古理官決罪三日得其宜乃行故从三日从耳此
亦爲不識象形者也何用識齊字之多乎能象熊之形
許氏謂能熊屬則可矣又曰賢能之能何也出象花英
之形許氏謂象草木益滋上出亦可矣又曰出進何也
是皆惑象形於假借者也三代之前有左氏韓子三代
之後有楊雄許慎猶不達六書義况他人乎
論指事曰指事類乎象形指事也象形形也指事類
乎會意指事文也會意字也獨體爲文合體爲字形可
象者曰象形非形不可象者指其事曰指事此指事之
義也

論會意曰象形指事文也會意字也文合而成字文有子母母主義子主聲一子一母爲諧聲諧聲者一體主義一體主義二母合爲會意會意者二體俱主義合而成字也其別有二有同母之合有異母之合其主意則一也又曰二母之合爲會意二母者二體也有三體之合者非常道也此論三體會意

論轉注曰諧聲轉注一也從宅爲諧聲從已爲轉注轉注也者正其大而轉其小正其正而轉其偏者也又曰立類爲母從類爲子母主義子主聲主義者是以母爲子而轉其子主聲者是以子爲主而轉其母此論互體別聲轉注

論諧聲曰諧聲與五書同出五書有窮諧聲無窮五書尚義諧聲尚聲天下有有窮之義而無有窮之聲諧聲者觸字成聲也

慢聲爲二急聲爲一慢聲爲者焉急聲爲旃旃者焉之應慢聲爲者與急聲爲諸諸者與之應又如慢聲爲而已急聲爲耳慢聲爲之矣急聲爲只慢聲爲者也急聲爲者慢聲爲也者急聲爲也慢聲爲嗚呼急聲爲嗚慢聲爲噫嘻急聲爲噫皆是相應之辭也此論急慢聲諧董正之董亦爲督察之督者東董凍督故也改更之更亦爲變革之革者更梗更去聲革故也伊之爲已已之爲億伊已意億故也非之爲匪匪之爲弗非匪沸弗故也

販卽吟者攀販吟故也倣類敬者京倣敬故也翻之爲
反庸之爲用邪之爲也之之爲只者並此道也而之爲
爾爾之爲汝汝之爲若干之爲於於之爲與與之爲譽
亦此道也是皆一義之所起而發聲有輕重耳乃若父
雖甫音讀若輔道雖杜老切讀若導禮記大昕所音忻
讀若希說文孺字音孺讀若孺粵字特一切讀若亭此
爲音讀之別無非聲之諧也此論高下聲諧并音讀
論諧聲之惑曰左氏曰止戈爲武武非从止凡止齒
耻之類从止武从戈从亾从戈以見義从亾以見聲古
文歌舞之舞作𠬞振撫之振作攷廊廡之廡作庀於古
並从亾於今並从無而無於篆文亦从亾則武之从亾

又何疑焉若曰武欲見止戈則古之武有作成者又有
作散者戊之前垂彖執戈揚盾之義戡之从習有習用
干戈之義及戊爲戊已之戊戡爲襲敵之襲襲散之字
古作戡今
有承襲字則戎事之武專用武也若曰武有上戎之義又何
必曰偃武乎亾之與止易得相混左氏所見止之訛也
武於六書爲諸聲武戎類也武之从亾亦猶戰之从單
戮之从殳戡之从耳殳之从殳皆聲之諧也禮記曰粗
者且也祖非从且凡置俎之類从且祖祖之類从且音
祖無且義又曰荆者側也若荆之从井而有側之義則
荆也阱也耕也亦可曰荆乎又曰富也者福也若富之
从畐芳伏切而有福之義則幅也幅也副也亦可曰福乎

若曰角觸也商章也秋之爲擎春之爲蠢皆此類也凡此類是皆不識諧聲

諧聲者六書之一書也凡諧聲之道有同聲者則取同聲而諧無同聲者則取協聲而諧無協聲者則取正音而諧無正音者則取旁音而諧所謂聲者四聲也音者七音也制字之本或取聲以成字或取音以成字不可備舉

論假借曰六書之難明者爲假借之難明也六書無傳惟籍說文然許氏惟得象形諧聲二書以成書牽於會意復爲假借所得故所得者亦不能守焉學者之患在於識有義之義而不識無義之義假借者無義之義也

假借者本非已有因他所授故以已爲無義然就假借而言之有有義之假借有無義之假借不可不別也曰同音借義曰協音借義曰因義借音曰因借而借此謂有義之假借曰借同音不借義曰借協音不借義曰語辭之借曰五音之借曰三詩之借曰十日之借曰十二辰之借曰方言之借此爲無義之假借假借明則大書如指諸掌矣

初裁禾之始而爲凡物之始基桑室之本而爲凡物之本始女子之初而爲凡物之初本木之基而爲凡物之基小水之微也凡微者皆言小永水之長也凡長者皆言永牛爲牝牡而牝牡通於畜獸佳爲雌雄而雌雄通

于鳥雀狀本犬之形而爲凡物之狀物本牛之事而爲
凡事之物此同音借義不盡於此可以類推

汝水也而爲爾汝之汝爾花盛也而爲汝爾之爾示旗
也而爲神示之示業大版也而爲事業之業牢牛圈也
而爲牢固之牢畜田畜也而爲畜聚之畜宅蛇屬也而
爲宅人之宅蚤虱類也而爲蚤夜之蚤此借同音不借
義不盡於此可以類推

又巢姚之音驃鷄伍員之音伍運凝脂之音媛脂巢縣
之巢音巢朴胡之朴音浮濡水之濡奴官反甄之音堅
中興之中錦帆之帆俱從去聲司馬之司從入聲十之
從平聲往往見別書俱不可廢

旁之爲旁

去聲

中之爲中

去聲

上之爲上

時掌切

下之爲下

分之爲分

去聲

少之爲少

去聲

歸之爲歸

歸音

遺之爲遺

與也切

御之爲御

迂音

爲御

禦音

行之爲行

下孟切

爲行

戶泥切

此協音

借義不盡於此可以類推

荷之爲荷

胡可切

茹

茹音

之爲茹

去聲

鮮之爲鮮

上聲

之爲燕

平聲

薄之爲薄

必各切

菑

側其切

之爲菑

音

直

切麻也

之爲苴

十餘切

竟之爲竟

音

旁之爲旁

補彭切

詩

此借協音不借義不盡於此可以類推

琢本琢玉之琢而爲大圭不琢之琢

音

輅本輅車之輅

而爲任狡輅鄭人之輅

迂音

以有惡

入聲

也故可惡

烏路切

其內也故可內

音

佚

夷質切

縱也而爲佚宕之佚

音

伯長

也而爲伯王之伯

音朝

此因義借音不盡於此可以類推

難烏也因音借爲艱難之難因艱難之難借爲險難之

難人爲母

猴

也。因音借爲作爲之爲。因作爲之爲借爲

相爲之爲

去聲

射本射御之射因義借爲廢射之射

切食亦

因廢射之音借爲無射之射

功音

此因借而借不盡於此

可以類推

之菌也者陰也於烏也云雲也焉鳶也邪琅邪之地每

原田之兒

二母本音悔
借爲上聲

惟思也唯應也

本上聲乃唯諾
之唯借平聲

而

面毛也須髭也哉言之閒也乎氣也今于只亦氣也凡

語辭惟哉乎今于只乃有義他並假借以語辭之類虛

言難象故因音而借焉此語辭之借不盡于此可以類

推

宮本宮室之宮商本商度之商角本頭角之角徵本徵
召之徵羽本羽毛之羽此五音之借

風本風蟲之風雅本烏鴟之鴟頌本頽容之容三詩五
音皆聲也聲不可借故因音而借焉此三詩之借

甲本戈甲乙本魚腸丙本魚尾丁本薑尾戊本武也已
本几也庚鬲也辛被罪也壬懷妊也癸草木實也此十
日之借

子人之子也丑手之械也寅賸也卯牖也辰未詳本義
巳蛇屬也午未詳本義未木之滋也申持簡也酉白也
戌與戊戚同意亥豕屬也十日十二辰惟巳亥有義他

並假借以日辰之類皆虛意難象故因音而借焉此十

二辰之借

鯛之為鯛

音胃鯛陽縣名

歌之為歌

上音觸下音感切

單之為單

上如字下

鄰美之為美

上音更下音郎

咎之為咎

上如字下音臯

穀之為穀

奴走切

枹之為枹

上必茅切下音乎

敦之為敦

音為敦

此皆非由音

義而借蓋因方言之異故不易其字此方言之借

陶也

陶冶之陶

陶也

卑陶之陶

鵬也

都聊切

鵬也

陟交切

鵬也

鵬鵬切

駢也

徒刀切

駢也

他彫切

馬也

鷄也

以照切

鷄也

音通

杷也

補

誅

切枋

杷也

白加切

收也

榮也

永兵切

榮也

音枸

枸也

音枸

也

音矩

樅也

知林切

禮射

樅也

徐甚切

校也

古孝切

枝也

音枝

也

戶教切

此雙音

並義

不為假借

不盡於此

可以類推

也

也

也

也

也

立類爲母從類爲子母主形子主聲說文眼學眼見之則成類耳聽之則不成類廣韻耳學耳聽之則成類眼見之則不成類故說文主母而役子廣韻主子而率母說文形也禮也廣韻聲也樂也說文以母統子廣韻以子該母余舊作象類書總三百三十母爲形之主八百七十子爲聲之主合千二百文而成無窮之字許氏作說文定五百四十類爲字之母然母能生而子不能生今說文誤以子爲母者二百十類且如說文有句類生拘生鉤有鹵類生臬生臬有半類生胖生叛有業類生僕生僕據拘當入手類鉤當入金類則句爲虛設臬當入木類臬當入米類則鹵爲虛設胖當入肉類叛當入

反類則半爲虛設僕當入人類僕當入臣類則業爲虛
設蓋句也肉也半也業也皆子也子不能生是爲虛設
此余所以去其二百而取其三百三十也此論子母

或曰作文之始其實一也何以成母何以成子曰顯成
母隱成子近成母遠成子約成母滋成子同成母獨成
子用成母不用成子得勢成母不得勢成子來與麥同
物麥顯而來隱牙與齒同物齒顯而牙隱故麥爲母而
來爲子齒爲母而牙爲子龍與魚同物魚近而龍遠
兔與兔同物兔近而兔丑略切遠故魚爲母而龍爲子兔爲
母而兔爲子康胡感切與音同同象巧約而康滋豆與
登同象豆約而登滋故巧爲母而康爲子豆爲母而登

爲子鳥與鳥同體鳥同而鳥獨易與豸同體豸同而易
獨故鳥爲毋而鳥爲子豸爲毋而易爲子眉與目相比
目用而眉不用足_音與足相並足用而足不用故目爲
毋而眉爲子足爲毋而踈爲子_左與九_右敵體九得
勢而_音不得勢_音與_音敵體_音得勢而_音不得勢
故九爲毋而_音爲子_音爲毋而_音爲子舉此六條可以
觸類而長矣此論子毋所自

凡省又有聲關於義者有義關於聲者甜之从舌者義
也舌之所嘗者甘恬之从舌者非舌也謂之从恬省是
之謂聲關於義管之从_音聲也以呂爲主以_音爲聲
勞之从_音者非聲也謂之从管省是之謂義關於聲伊

从人从尹謂伊尹能尹正天下如蚡臧之尹从尹省亦
謂之聲關於義和謂調和之和如鈛利之利从刀从和
省此亦謂之義關於聲凡省文之類可以準此

華梵論曰諸蕃文字不同而多本於梵書梵書左旋其
勢向右華書右旋其勢向左華以正錯成文梵以偏纏
成體華則一音該一字梵則一字或貫數音華以直相
隨梵以橫相綴華有象形之文梵亦有之尾作鳳有尾
垂之勢縛作紂有纏縛之象華有省文之字梵亦有之
地本作厖亦省作几縛省作𠂔馱本作𠂔亦省作𠂔華
有同聲而借之字梵亦有之野𠂔而也亦作𠂔馱作𠂔
而𠂔亦作𠂔華有協音而借之字梵亦有之微用風而

尾亦用𠂔薩用𠂔而散亦用𠂔華書有重二之義如舊
漢書元元休息下元字只作二石鼓文嶧山碑重字皆
作二梵書凡疊句重言則小作𠂔但華書每字之重皆
作二梵書一字疊一言重者作一𠂔三字四字疊三言
四言重者亦只作𠂔華蓋以目傳故必詳於書梵以口
傳如曲譜然但識其大略華之讀別聲故就聲而梵之
讀別音故卽音而借如史瑟同用𠂔者師史使瑟商音
之和也帝驪同用𠂔者低底帝驪亦商音之和也娑薩
同用𠂔亦商音之和訛藥同用𠂔是爲角音之和
又曰梵人別音在音不在字華人別字在字不在音故
梵書其簡只是數个屈曲耳差別不多亦不成文理而

有無窮之音焉華人苦不別音如切韻之學自漢以前
人皆不識實自西域流入中土所以韻圖之類釋氏多
能言之而儒者皆不識起例以其源流出於彼耳華書
制字極密點畫極多梵書比之實相遼邈故梵有無窮
之音而華有無窮之字梵則音有妙義而字無文彩華
則字有變通而音無錙銖梵人長於音所得從聞入華
人長於文所得從見入

右皆依鄭夾漈本錄入其所論假借諸聲義亦未盡姑
以備一家之說

韓道昇改併五音集韻序 夫聲韻之術其來尚矣證群
經之義訓別使字之因由辯五音之輕重論四聲之清

濁至於天地之始日月運行星辰名號人間姓氏山川
草木水陸魚蟲飛禽走獸四方呼吸全憑字樣豈可離
於聲韻者哉嘗聞古者陸詞叔本劉臻等八人隋朝進
韻抱賞歸家人皆稱歎又至大金皇統年間有洺川荆
璞字彥寶善達聲韻幽微博覽羣書與旨特將三十六
母添入韻中隨母取切美卽美矣未盡其善也復至泰
和戊辰吾弟韓道昭字伯暉廼先叔之次子也先叔者
諱孝彥字允中注疏指玄之論撰集澄鑑之圖述門法
滿庭芳詞作切韻指迷之頌鏤板通行其名遠矣今卽
重編改併五音之篇暨諸門友精加衆字得其旨趣標
名於世又見韻中古法繁雜取之體計同聲同韻兩處

安排一母一音方知併却想舊時先宜一類移齊同音
薛雪相親舉斯爲例只如山刪獨銑賺檻庚耕支脂之
本是一家怪卦夫何分三類開合無異等第俱同姓例
非差故云可併今將幽隨尤隊添入鹽叢歸貞內沉埋
嚴向凡中隱匿覃談共住笑嘯同居如弟兄啓戶皆逢
若姪叔開門總見增添俗字廣改正違門多係開合等
第之聲音棄一母復張之切脚使初學檢閱無移今後
進披尋有准崇慶元年昌黎韓道昇誌

至元庚寅重刊改並五音集韻序 書契旣造文籍乃生
然訓解之士猶多闕焉玆於隋唐斯有陸生長孫之徒
詞學過人間見甚博于是同劉臻輩取古之所有今之

所記者定爲切韻五卷析爲十策夫切韻者蓋以上切
下韻合而翻之因爲號以爲名則字統字林韻集韻略
不足比也議者猶謂注有差錯文復漏誤若無刊正何
以討論則唐韻所以修焉採摭羣言撮其樞要六經之
文自爾煥然九流之學所在不廢古人之用心爲何如
哉嘗謂以文學爲事者必以聲韻爲心以聲韻爲心者
必以五音爲本則字母次第其可忽乎故先覺之士其
論辯至詳推求至明著書立言蔑無以加然愚不揆度
欲修飾萬分之一是故引諸經訓正諸訛舛陳其字母
序其等第以見母牙音爲首終於來日字廣大悉備靡
有或遺始終有倫先後有別如指諸掌庶幾有補於初

學未敢併期於達者已前印行音韻既增加三千餘字
茲韻也方之於此又以龍龕訓字增加五千餘字焉是
以再命良工謹鏤佳板學者觀之目擊而道存時崇慶
元年歲次壬申長至日序

舊文五萬三千五百二十五言 新增二萬七千三百

三十言 注三十三萬五千八百四十言 新增一十

四萬四千一百四十八言 陸法言撰本 長孫訥言

箋注儀同三司劉臻 外史顏之推 著作郎魏淵

武陽太守盧思道 蜀王諮議參軍辛德源 吏部侍

郎薛道衡已上八人同撰集 郭知玄拾遺緒正更以

朱箋三百字 閔亮 薛峒 王仁煦 祝尚丘 孫

惻 嚴寶文 裴務齊 陳道固已上八人並增加字

更有諸家增字及義理釋訓悉纂略備載卷中

郭知玄改并五音集韻序 昔者開皇初有儀同劉臻等

八人同詣法言門宿夜永酒闌論及音韻以今聲調既

自有別諸家取捨亦復不同吳楚則時傷輕淺燕趙則

多傷重濁秦隴則去聲爲入梁益則平聲似去又支章

切脂旨夷切魚語居切虞遇俱切共爲一韻先蘇前切仙相然切尤

千求切侯胡溝切俱論是切欲廣文路自可清濁皆通若賞

知音卽須輕重有異呂靜韻集夏侯該韻略陽休之韻

略周思言音韻李季節音譜杜臺卿韻略等各有乖誤

江東取韻與河北復殊因論南北是非古今通塞欲更

披選精切除削陳穢蕭煩多所決定魏著作謂法言曰
向來難疑處悉盡何不隨口記之遂取諸家音韻古今
字書以前所記者定之爲切韻五卷剖析毫厘分別黍
累何煩立玉未得縣金藏之名山昔怪馬遷之言大持
以蓋聳今歎楊雄之口吃非是小子專輒乃述羣賢遺
意于時歲次辛酉大隋仁壽元年訥言曰此製酌古準
今無以加也然傳之已久多失本源差之一畫詎惟千
里見炙從肉莫究厥由輒意形聲固當從夕及其晤矣
彼乃乖斯若靡馮焉他皆倣此頃佩經之隙沐雨之餘
措其紕繆疇茲得失銀鈎創閱晉豕成羣盪櫛行披魯
魚盈貫遂徵僉篆遐泝石渠略題會意之辭仍記所由

之典亦有一文兩體不復備陳數字同歸惟其擇善勿
謂有增有減便慮不同一點一畫咸資別據其有類集
衆爲訓解傳之不謬庶埒箋云千時歲次丁丑大唐儀
鳳二年前費州多田縣丞郭知玄拾遺緒正更以朱箋
三百字其新加無反音皆同上音也

陳州司法孫恂改并五音集韻序 蓋聞文字聿興音韻
乃作蒼頡爾雅爲首詩頌次之則有字統字林韻集韻
略述作頗衆得失互分惟陸生切韻盛行於世然隋珠
尚類虹玉仍瑕注有差錯文復漏誤若無刊正何以討
論我國家偃武修文大崇儒術置集賢之院召才學之
流自開闢以來未有如今日之盛上行下效比屋可封

輒整謏聞敢補遺闕兼習諸書具爲訓解州縣名號亦據今時字體從木從才著彳著亻施爻施支安余安禾並悉具言庶無紕繆其有異聞奇怪傳說姓氏原由土地物產山河草木鳥獸蟲魚備載其間皆引馮據隨韻編紀添彼數家勒成一書名曰唐韻蓋取周易周禮之義也及案三蒼爾雅字統字林說文玉篇石經聲韻聲譜九經諸子史漢三國志晉宋後魏周隋陳宋兩齊書本草姓苑風俗通古今注賈執姓氏英賢傳王僧孺百姓譜周何潔集文選諸集孝子傳輿地志及武德已來創置迄開元三十年並列注中等夫輿誦流汗交集愧以上陳天心又有元清子言成子者則汝陽侯榮之曾

孫卓爾好古博通內外遁祿巖嶺吐納自然抗志鈴鉢
棲神梵宇淡泊無事希夷絕塵倏忽風雲靈醖怡懌考
窮史籍廣覽羣書欲令清濁昭然學之者有終日而忘
食有連宵而不寐案搜神記精怪圖山海經博物志四
夷傳大荒經南越志西域記西壑傳漢纂藥論論證俗
方言御覽字府及九經三史諸子中遺漏要字訓義解
釋多有不載必具言之仔細研窮究其巢穴澄凝微思
鄭重詳思輕重斯分不令恩糅緘之金篋珍之寶之而
已哉寧辭阻險敢不躬談一訴愚心克諧雅况依次編
紀而不別番其一字數訓則執優而尸之劣而副之其有
或假不失元本以四聲尋譯異覽者去疑宿滯者豁如

也又紐其唇齒喉舌牙部件而次之有可紐不可行之
及古體有依納之並采以爲證庶無壅而昭其馮起終
五年精成一部前後總加四萬二千三百八十三言仍
篆隸石經勒存正體幸不譏繁于時歲次辛卯天寶十
載也

黃公紹古今韻會舉要 一禮部韻略本以資聲律便檢
閱今以韻會補收闕遺增添注釋凡一萬二千六百五
十二字 一禮部韻略元收九千五百九十字有因申
明續降及諸家補遺續添之字舊於本韻後別作一類
今逐韻隨音附入注云禮韻續降禮韻補遺凡二百二
十四字 一江南監本免解進士毛氏見增修禮部韻

略江北平水劉氏淵壬子新刊禮部韻略互有增字今
逐韻隨音附入注云毛氏韻增平水韻增凡二千一百
四十二字 一舊韻上平下平上去入五聲凡二百六
韻今依平水韻併通用之韻爲一百七韻 一舊韻所
載本無次序今毋韻並分七音四等始於見終於日三
十六毋爲一韻 一音學久失韻書譌舛相襲今以司
馬溫公切韻參考諸家聲音之書定著角徵宮商羽半
徵半商序每音每等之首 一吳音角次濁音郎雅音
羽次濁音故吳音疑毋字有人蒙古韻喻毋者今此類
並注云蒙古韻音入喻毋說

皇明

太祖洪武初年嘗召學士樂韶鳳宋濂待制王僊修撰李叔允編修朱右趙壘朱濂典簿瞿莊鄒孟達典籍孫蕢答祿與權論之曰韻學起於江右殊失正音有獨用當併爲通用者如東冬清青之屬亦有一韻當析爲二韻者如虞模麻遮之屬若斯之類不可枚舉卿等當廣詢通音韻者刊定韶鳳等奉詔撰成七十六韻共十六卷書奏賜名曰洪武正韻濂序曰古者之音惟取諧協故無不通江右制韻之初但知從有四聲而不知衡有七音故經常不變而失立韻之原七音者牙舌唇齒喉及舌齒各半是也分其清濁定角徵宮商羽以至於半商半徵而天下之音在是矣然則音者其韻書之

權輿乎旋宮以七音爲均均言韻也能推十二律以合
八十四調旋轉相交而大樂之和亦在是矣自從奏啓
進呈文字點畫音韻並從是書洪武二年四月 命翰
林院定官民書禮儀式禁華民間名字有先聖先賢大
國君臣并漢晉唐宋等字者中書省臣具奏行之若正
統十年進士登科錄凡天字皆作𠂔云出內閣意景泰
中 幸太學表內閣自爲之中有管窺蠡測海句蓋
亦避天字也與宋宣和時禁君天等八字同殆非洪武
舊制矣 二十三年戊寅 詔刊行韻會定正時洪武
正韻頒行已久 上以其字義音切未能盡當 命翰
林院重加校正學士劉三吾前言太常博士孫吾與所

編韻書本宋儒黃公紹古今韻會凡字切必祖三十六
母音韻歸一因以其書進 上覽而善之 賜名曰韻
會定正 命刊行焉

正統間嘉定章道常先生復本正韻編習直音篇若干卷
藏於家沒後十餘年子冕率孫璵玖繕寫成帙始謀刊
行閭陽吳君克明以進士來令是邑君旣質於提學浙
江水利僉事吳公廷玉而是之則捐俸倡邑之好義者
共成焉蘇文忠公題滎陽趙惇篆髓論學者之有說文
猶醫之有本草而文公朱子序西山真氏之書言其文
欲別爲樂書以究其業今學者之有正韻猶諸子之有
五經蓋義則參乎六書八體之正而韻則究乎四聲七

音之和不但如說文詳於形體而略於聲韻者比也若是韻之成則五經之有傳注雖其傳探之詳而各據凡例以歸於正是其爲書庶幾不異正韻有可傳者萬一更定樂章審音協律以諧神人而被命典頤之官有能舉正韻以例是書且參考邵氏經世聲音之法而復因蔡氏之論定鍾律以適厥中則有待於今日華亭侯方序又著韻學集成崑山張情序曰六書之學昉諸八卦點畫比擬天地之文也音韻反切天地之聲也後世迷其本原鑒以臆見四聲八病拘礙弗通皇祖履運人文聿新由是洪武正韻成焉章君道常復遵正韻凡例輯韻學集成一書羽翼文教宜昭六書莫非順其

自然之理使人復見天地之全由是天下無不可讀之書八方無不可通之音真字學之大成也板嘗刻於成化間刊敝半缺重校而補之傳布遠近使人知上古制字之原 聖世考文之意庶幾風謠述作咸趨一軌而無復泥於江氏之上有能取其書與章氏之書並講求之一以候氣和聲一以比音叶律則大樂可作而一代之盛典成矣 又海虞桑悅序云練川章先生名黼字道常別號守道平生隱居教授不求聞達著韻學集成若干卷凡收四萬三千餘字每舉一聲而四聲具者自爲帙二聲三聲絕者如之仍別爲直音篇總考其字之所出前此未有也先生沒後十餘年其子冕鋟諸梓先

儒有云爲文宜略識難字南山詩三都甘泉等賦誦之多籍人舌弗克屈伸果字有異哉人異其字也是韻一出向之商敦周彝化爲竹根康瓠入耳不寃入目不懾何其快哉雖然字從何起乎起於聲韻也厥初天地未生聲韻具於太極天地旣判聲韻寓於天地一陽之復聲韻萌也四陽之豫聲出地也聲韻旣生形象亦著蒼頡之制字不過因其迹耳然制其一遺其十理之必然也千古而後惟邵子有獨詣之識其著皇極經世書以天聲唱而地音和之天聲平上去入地音開發收閉如多可个舌是有其聲而有其字者也古甲九癸是有其音而有其字者也然開宰愛下之○爲入聲古瓦仰下

之口爲閉音其○其口有其聲有其音有其字哉旣無其字吾不得而悉字之邵子不得而悉字之蒼頡亦不得而悉字之也而其聲與音終不亡也寄之喙焉喙相禺寄之竅焉竅相干或可辯或不可辯孰非全露未成之字者乎極而至於○於口然後去天地之體并聲音與字俱無而復歸於太極矣執其園則律呂之原在我由是精神通造化智識侔鬼神實易易也嗚呼非知道君子孰能識之成化丙申海虞桑悅書 又嘉定徐博序云人廩天地之氣以生生卽有聲聲氣之鳴也文字者聲之象也文字出而七音具焉又分其輕清重濁之倫協於韻而自然諧和矣若虞廷之歌康衢之謠國風

雅頌之詩離騷之辭郊廟之曲不過叶其韻何嘗拘一律也邪梁沈約拘於四聲八病始分平上去入號稱韻譜殊不知文字之精有聲形曲直毫釐之別音響清濁相生之類五方言語風俗之殊沈吳音也欲一天下音難矣若唐衛包改古文從今文故六籍多用俗字惟周禮儀禮國語史記漢書傳習雖少不旣繆乎粵古迄今人多病此洪惟我太祖高皇帝混一區宇首以字學詔詞臣叅酌九經子史考訂前賢之失辯正殊方之訛一洗江左之偏書曰洪武正韻行之萬世甚有閑名物風化猗歟盛哉吾嘉章君道常輯晦丘園教授鄉里暇則搜閱三蒼爾雅字說字林韻集韻略說文玉篇廣

韻韻會聲韻聲譜雅音諸家書通按司馬溫公三十六
字母自約爲一百四十四聲辯開闔以分輕重審清濁
以訂虛實極五音六律之變分爲四聲八轉之異然聲
韻區分開卷在目總之得四萬餘字每一字而四聲隨
之名曰韻書集成別爲直音篇乃韻之鈐鍵便學者檢
覽其用心可謂勤且密矣成化十七年嘉定徐博書

玉篇元收二萬二千餘字除殊體重收外卽二萬一千之
數流通於世其來尚矣今於諸篇韻經書俗流共錄出
四萬三千餘字字有說文古文篆籀隸俗等則正體三
萬餘字攷著成編

元古二百六韻韻會泰平水韻併爲一百七韻洪武正

韻析併作七十六韻如元支韻內羈歌奇微韻內機祈等字音同聲順正韻以清濁分之本宜通用不敢改也但依洪武正韻定例

五音有半徵半商凡七音清濁三十六母平反一百四十四聲內有角次濁音與羽次濁音兩音聲相似依洪武正韻併之如宜移是也又徵次濁音與商次濁音兩音併之如泥尼是也今以應併者併之仍見元音切中原雅音以濁音字更作清音及無入聲今注于韻該更音聲之首字下

古之篇韻翻切繁舛不能歸一昔韓道昭改併五音篇海既按七音三十六母元有借音反切者傳而不改正

之如彌披響模四字屬宮音之清濁也以彌字作方間切披字作敷羈切響字作扶真切模字作亡胡切乃方敷扶亡四字是次宮音也故借音互用豈能翻之已上方敷扶亡四字宜改作邦鋪蒲芒爲母反切之正得彌披響模四字乃是今韻以正切篇以直音無音者亦以正切定之斯爲順矣。

七音三十六母清濁切法玉篇三十六母五音撮要圖以影曉匣喻四母屬宮音韻會以四母屬羽音玉篇以幫滂並明非敷奉微八母屬羽音韻會此八母屬宮音今亦依韻會圖局于下然此按玉篇影曉二字止屬宮音匣喻二字當依韻會屬羽音玉篇敷奉二字屬羽音

邦滂並明四字當依韻會屬宮音非微二字亦屬宮音
恐差若以舌在齒較之非微二字當屬徵音爲是

續文獻通考卷之一百八十五終

續文獻通考卷之一百八十五

二十九

六十五

續文獻通考卷之一百八十六

皇明進士雲間王圻纂輯

六書考

書法

永字八法

夫古之善書者非一家而法亦不一自衛夫人而下毋
論數十輩詳哉其言之矣然卒擇於永字以爲八體具
備故也今具圖如左并有善不善諸勢附著于篇以示
後學之矩矱

永字八法注



點爲側 橫爲勒 豎爲努
 挑爲趯 左上爲策
 左下爲掠 右上爲啄
 右下爲磔
 八法乃翰林禁經古人用筆
 之術多於永字取法以其八
 法之勢能通一切勢也

則不得平其筆當側筆就右爲之口訣云先右揭其腕
次轉蹲其鋒取勢緊則乘機頓挫借勢出之疾則失中
過又成俗側鋒顧右借勢輕揭潛出附於勒也

勒不得卧其筆中高下兩頭以筆心壓之口訣云頭傍
鋒仰策次迅收若一出揭筆不趯而暗收則薄圓而踈
筆無力矣夫勒筆鋒似及於紙須微盡仰策峻趯

努不宜直其筆直則無力立筆左偃而下最要有力口
訣云凡旁卷微曲感筆累走而進之直則衆勢失力滯
則神氣怯散夫努須側鋒顧右潛趯輕挫則揭

趯須蹲鋒得勢而出出則暗收又云前畫卷則別斂心
而出之口訣云傍鋒輕揭借勢勢不勒筆不挫則意不

深趨與挑一也鋒貴於澁出澁出期於倒收所謂欲挑還置也夫趨自努出潛鋒輕挫借勢而趨之

策須斫筆背發而仰收則背斫仰策也兩頭高中以筆心舉之口訣云仰筆潛鋒以鱗勒之法揭腕趨勢於右潛鋒之要在畫勢暗鋒捷歸於右也夫策筆仰鋒堅趨微勁借勢峻顧於掠也又云作策法卽指擡筆上

掠者拂掠須迅其鋒左出而欲利又云微曲而下筆心至卷處口訣云擊過謂之掠借於策勢以輕駐鋒右揭其就加以迅出勢旋於左法而澁而勁意而暢而宛遲留則傷於緩滯夫側鋒左出謂之掠

啄者如禽之啄物也其筆不奄以疾爲勝口訣云右上

左之勢爲卷啄按筆蹲鋒潛感於右借勢收鋒迅擲旋
右須精險衄去之不可緩滯夫筆鋒及紙爲啄在潛勁
而啄之

磔者不徐不疾戰行欲卷復駐而去之又云趯筆戰行
翻筆轉下而出筆磔之口訣云右送之波皆名磔右揭
其腕逐勢緊趯旁筆迅磔盡勢輕揭而暗收在勁迅得
之夫磔法筆鋒須趯勢欲險而澁得勢而輕揭暗收存
勢候其勢盡而磔之

永字八法解

運筆之法有八曰落起走住疊圍回藏永字之法有八
曰側勒努趯策掠啄磔八法之勢又名曰怪石玉箸鐵

柱蟹爪虎牙犀角鳥啄金刀於中又爲二十四法曰懸
珠垂珠龍爪瓜子杏仁梅核石楯象簡垂鍼象笏曲尺
飛雁龍尾鳳翅獅口搭勾寶蓋金錐懸戈飛帶戲蝶蟠
龍吟蛩遊魚通前共三十二勢使初學者下手運筆有
所依歸凡習書必先學永八法學且熟方可學二十四
法於此三十二勢習之既精方可結構成字然結構之
道所重者尤在乎筆法之精妙如側之祖妙須三作用
鋒向右而勢向左勒之祖首尾藏鋒用筆欲橫而勢欲
歛努之爲法用筆行曲扭如挺千斤之力趯之爲法要
輕挫潛生而起快峻之鋒策始作者用仰鋒上揭而貴
乎遲留掠始作者用肥健悠揚而宜乎舒暢啄法之妙

在卧側潛進以速歛其鋒鉉磔法之妙在險橫三過而
開揭其勢力此八法已精則二十四法自然有得變化
而成也然其妙則首尾欲有起落欲相顧偏鋒者不
可使其筆正正鋒者不可使甘筆偏蹲過處當審於輕
重搶駐處必宜於着力折鋒搭鋒爲下筆之始衄筆揭
筆爲收殺之權筆捺則肉自肥圓筆提則筋有餘力爲
骨之法憑指骨之提縱生血之道賴水墨之和勻忌軟
勁之失均喜威嚴之敦厚勿輕浮以阻礙務均布以安
平變換屈伸轉回旋於起伏藏收開閉運承接於送迎
措邊旁而合軌振氣象以生神筆法之妙於斯盡矣

三十二勢

怪石用於高立等字

懸珠用於系無等字

垂珠用於寺等字

龍爪用於等字

瓜子用於父以等字

杏仁用於小等字

梅核用於公只等字

石楯用於且習等字

已上俱依側法

玉案用於言天等字

已上係勒法

鐵柱用於巨目等字

垂針用於巾等字

象笏用於軍畢等字

曲尺用於目等字

已上俱係勞法

蟹爪用於求木等字

飛鴈用於成式等字

龍尾用於毛也等字

鳳翅用於風飛等字

獅口用於力向等字

搭勾用於長辰等字

寶蓋用於宅等字

已上俱係趨法

虎牙用於子耳等字

金錐用於刀等字

已上係策法

犀角用於老少等字

懸戈用於月等字

飛帶用於反列等字

已上俱係掠法

鳥啄用於干禾等字

戲蝶用於食巡等字

蜻龍

用於系等字

吟蛩

用於下等字

已上係係啄法

金刀

用於大合等字

遊魚

用於之反等字

已上俱係磔法一磔化一磔

象簡

八病勢

牛頭

鼠尾

蜂腰

鶴膝

竹節

菱角

折木

柴擔

歐陽率更書三十六法

排疊

字欲其排疊疎密停均不可或闊或狹如壽臺畫

筆麗羸癯系旁言旁之類八訣所謂分間布白又

日調勻點畫是也高宗書法所謂堆垛亦是也

避就

避密就疎避險就易避遠就近欲其彼此映帶得

宜又如廬字上一筆既尖下一筆不當相同府字一筆向下一筆向左逢字下走拔出則上必作點亦避重疊而就簡徑也

頂帶

字之承上者多准上重下輕者頂戴欲其得勢如疊墨藥聲驚鷺聲賢之類八訣所謂正如人上稱下載又謂不可頭輕尾重是也

穿插

字畫交錯者欲其疎密長短大小勻停如中弗井曲冊兼禹禺爽爾襄冂耳婁由垂車無密之類八訣所謂四面停勻八邊具備是也

回背

字有相向者有相背者各有體勢不可差錯相向如非卯好知和之類是也相背如比兆肥根之類

是也

偏側

字之正者固多若有偏側欹斜亦當隨其字勢結體偏向右者如心戈衣幾之類向左者如夕朋乃勿少玄之類正如偏者如亥女丈乂互丩之類字法所謂偏者正之正者偏之又其妙也八訣又謂勿令偏側亦是也

挑

字之形勢有須挑挑者如戈弋武九氣之類如獻勵散斷左邊既多須得右邊挽之如省炙之類上偏者須得下挽之使相稱乃善

相讓

字之左右或多或少須彼此相讓方爲盡善如馬旁系旁鳥旁諸字須左邊平直然後右邊可作字

不則妨礙不便如綠字以中央言字上畫短讓兩
系出如辦其中近下讓兩辛出如鷗鷗馳字兩旁
俱上狹下闊亦當相讓使不妨礙然後爲佳此類
是也

補空 如我哉字作點須對左邊實處不可與成戟戈諸
字同如襲碎餐贛之類欲其四滿方正也如醴泉
銘建字是也

貼零 如令今冬寒之類是也

粘合 字之本相離開者卽欲粘合使相著顧揖乃佳如
諸偏旁字卧鑿非門之類是也

滿不要虛 如園圃圖國四包南隔目四勾之類是也

意連

字有形斷而意連者如之以心必小川州水求之類是也

覆冒

字之上大者必覆冒其下如雲頭穴心頭奢金食峯巷泰之類是也

垂曳

垂如都鄉卿卯峯之類曳如水支欠皮更之走民也之類是也

借換

如醴泉銘秘字就示字右點作必字左點此借換也黃庭經庭字魏字亦借換也又如靈字法帖中或作罌或作小亦借換也又如蘇之爲蘓秋之爲𣎵鵝之爲鶩爲𪔐之類爲其字難結體故互換如此亦借換也所謂東映西帶是也

增減

字有難結體者或因筆畫少而增添如新之爲新

建之爲建是也或因筆畫多而減省如曹之爲曹

美之爲美但欲體勢茂美不論古字當如何書也

應副

字之點畫稀少者欲其彼此相映帶故必得應副

相稱而後可又如龍詩警轉必一畫對一畫相應

亦相副也

撐拄

字之獨立者必得撐拄然後勁健可觀如可下永

亨亭寧丁手司卉草矛巾千予干弓之類是也

朝揖

字之凡有偏旁者皆欲相顧兩文成字者爲多如

鄒謝鋤儲與三體成字者尤欲相朝揖八訣所謂

遞相顧揖是也

救應

凡作字一筆纔落便當思第二三筆如何救應如何結裹書法所謂意在筆先文向思後是也

附麗

字之形體有宜相附近者不可相離如形影飛起超飲勉凡有文欠支旁者之類以小附大以少附多是也

迴抱

迴抱向左者曷弓易弣之類向右者如艮鬼包旭它之類是也

包裹

謂如園圃打圈之類四圍包裹也尚向上包下幽函下包上匱匡左包右旬匄右包左之類是也

却好

謂其包裹鬬湊不致失勢結束停當皆得其宜也

小成大

字以大成小者如冂之下大者是也以小成大

則字之成形及其小字故謂之小成大如孤字只在末後一入寧字只在末後一勾欠字一援戈字一點之類是也

小大成形 謂小字大字各字有形勢也東坡曰大字難於結密而無間小字難於寬綽而有餘若能大字結密小字寬綽則盡善盡美矣

小大 書法曰大字促令小小字放令大自然寬猛得宜譬如日字之小難與國字同大如一字二字之疎亦欲字畫與密者相間必當思所以位置排布令相映帶得宜然後爲妙或曰謂上小下大上天下小欲其相稱亦一說也

左小右大 此一節乃字之病左右大小欲其相傳人之
結字易於左小而右大故此與下二節皆字之病
也

左高右低 左短右長 此二節皆字之病不可左高右
低是爲單肩左短右長八訣所謂勿令左短右長
是也

福 學歐書者易於作字狹長故此法欲其結束整齊
收歛緊密排疊次第則有老氣書譜所謂密爲老
氣此所以貴爲福也

各自成形 凡寫字欲其合而爲一亦好分而異體亦好
由其能各自成形故也至於疎密小大長短廣狹

亦然要當消詳也

相管領 欲其彼此顧盼不失位置上欲覆下下欲承上

左右亦然

應接 字之點畫欲其互相應接兩點者如小八少自相應接三點者如系則左朝右中朝上右朝左四點如然無字則兩旁二點相應中間相接又作以亦相應接至於ノ人水木州無之類亦然已上皆言其大畧在學者觸類而長之可也

釋書契

出漢劉熙博古今雅

筆述也述事而書之也

硯研也研墨使和濡也

墨瘳也似物瘳墨也

紙砥也平滑如砥石也

板般也般般平廣也

奏鄒也狹小之言也

札櫛也編之如櫛齒相比也

簡間也編之篇篇有間也

簿言可以簿疏密也

笏勿也君有教命及所啓白則書之備忽忘也

槩板之長三尺者漸漸然長也

牘睦也手執之以進見所以爲恭睦也

籍籍也所以籍疏人名戶口也

檄邀也下官所以邀迎其上之文書也

檢禁也禁閉諸物使不得開露也

璽徙也封物使可轉徙不可發也

印信也所以封物爲信驗也亦因也封物因付也

謁詣也告也書姓名於上以告所至詣者也

符付也書勅命於上付使傳行之也

節赴也執以赴君命也

傳轉也轉移所在執以爲信也

券繯也相約束繯繯以爲限也

剝別也大書中央破別之也

契刻也刻識其數也

策書教令於上所以驅策諸下也

冊願也勅使整願不犯之也

示示也過所至闢津示之也

詣啓也以君語官司所至詣也

書廢也紀廢物也亦言著之簡紙永不滅也

畫掛也以五色掛物上也

書稱刺以筆刺紙簡之上也又曰寫倒寫此文也書姓
字于秦上曰書刺作再拜起居字書畫也徐引筆如畫
者也下官刺曰長刺長書中央一行而下之也又曰爵
里刺書其官爵及郡縣鄉里也

書稱題諦也審諦其名號也亦曰第因其次第也

書文書檢曰署署予也題所予者官號也

上勅下曰告告覺也使覺悟知已意也

下言上曰表思之於內表施於外也又曰上示之於上也又曰言言其意也

約約束之也

勅飭也使自警勅不敢廢慢也

謂語也

東書堂法帖序

書契之來尚契自龍馬負圖出於河伏

羲氏則之以畫八卦而文字生焉其後神農氏有穗書黃帝有雲書黃帝之世倉頡居史職仰觀奎星圓曲之勢龜文鳥跡之象因以制字蓋依類象形謂之文形聲

相益謂之字字者言孳乳而浸多也著於竹帛謂之書書者如也自秦廢典籍李斯變古爲小篆程邈王次仲作隸書八分兩漢因之舍其繁而從其簡古之六義存者無幾矣漢末蔡邕以隸定五經其後漢隸書與秦隸書少異後又爲真行章草飛白等書若杜度梁鵠崔子玉常仲將張伯英鍾元常之徒皆善於書及晉元帝渡江之後書法大盛右將軍王羲之總百家之能備衆體之妙於篆隸真行章草飛白等體莫不研精造妙無出其右者矣其子獻之亦爲奇絕歷宋齊梁陳隋而之唐能書者輩出於是書法自成一家其間同異各有所長要之爲書亦皆不失晉人之風度字法之規矩耳至趙

宋之時蔡襄米芾諸人雖號爲能書其實魏晉之法蕩然不存矣元有鮮于伯機趙孟頫始變其法飄逸可愛自此能書者疊疊而興較之於晉唐雖有後先而優於宋人之書遠矣乃若古人書而集爲法帖者始自宋太宗淳化閣帖後有潘師旦絳帖寶月太師潭帖蔡京大觀帖劉濤太清樓續閣帖紹興監帖劉次莊戲魚堂帖曹士冕星鳳樓帖吳琚玉麟堂帖曹之格寶晉齋帖王萬慶百一帖其餘瑣瑣不可盡錄黃伯思刊誤辯之已詳皆本于淳化而模刻之者也予侍親之暇每閱古帖文集各家之字考各代之書并所得真跡以嘗臨者臨之未嘗臨者摹之集爲十卷勒之於石以便自觀非敢

示于人以為學也集成名之曰東書堂集古法帖然其間字畫多未工或失次序缺少者後當續之去古既遠倉頡史籀之書少有學也秦漢篆隸今亦罕用所常用者惟真行草書而已然學書先當知篆隸之源則知字之正訛然後學真而後行行而後草則臻妙矣 永樂十四年七月三日周定王書

按此帖初石刻後易以木後刑書王恭毅槩借帖重修已非初帖

寶賢堂法帖 國朝晉府刻

雙鉤大令帖 唐人雙鉤義獻帖用白麻紙紙盡處有御法書印蓋宋思陵時物也建文中駙馬王寧家藏此

淳化帖 諸家帖中皆有尚古倉頡史籀李斯等書今集
帖內無者以法帖刊誤論其有非真當者又皆篆籀之
書彼自有許叔重說文楚金通釋部叙通論祛妄類聚
等編爲篆隸之學茲不復錄是帖先之以帝王之書次
以名臣之書其碩儒高士黃冠緇衣閨門女子之書皆
在名臣類中不別立類者以經云率土之濱莫非王臣
是雖閨門女子豈非王之臣乎旣以能書豈非名乎故
列於名臣之後宋人之書雖無晉唐之風度若米芾蔡
襄輩亦皆精熟米之小楷亦有可觀者予平生不樂宋
人書止有宋蘇易簡臨稊帖墨跡一本甚爲逸俊後太
肥耳其他未嘗收一幅今集帖內所以無宋朝諸公之

字以待他日得者續之或云此帖用澄心堂紙李廷珪
墨上有銀錠紋者爲真

修內司十七帖 宋淳熙中刻于闕中 國朝蔣侍御伯
宣重刻于吳下比舊刻稍欠拙古

蘭亭帖詩云昭陵永閼千年蹟定武猶存幾樣碑今人間
定武又不可見近代翻刻于汴中者亦佳

隸字分韻彙集序

隸書其來尚矣傳者有述焉吾無言

也是書蓋昔人取兩漢碑文隸字分韻彙集乃卽韻以
爲考文非爲韻也福州舊有刻本中更年所刻沒而書
非傳吾在京師得是書上帙臨本缺其下自至江右旁
求故家士夫始獲下帙僭命學生臨補足成全書懼知

之弗廣也稍取白鹿洞穀募工刻焉夫六藝之中其五
曰書書有篆有隸有楷有行有草行草姑置至篆隸楷
書其法追古篆有南都監刻本六書統并書學正韻楷
有北都隆福寺刻本五音篇海集韻若蘇州嘉定本韻
學集成并此刻隸書三體備矣或曰篆楷二刻中文字
昉古下及近代若是隸起漢漢止後世無編焉於乎水
有源木有本字有因得其本源可以尋夫枝流也已時
正德丙子田汝耕序

洪丞相論隸書緣起

秦燔書廢古訓而官獄多事乃令

下杜人程邈作小篆而邈獻隸書所以施之徒隸趨簡
易也亦曰佐書漢魏之際蔡邕鍾繇梁鵠邴鄆淳俱有

書名後魏酈道元注水經漢碑之引用者始見其書蓋數十百餘陵遷谷變火焚風剝至於政和間已亡其什八本朝歐陽公趙明誠好藏金石刻漢隸之著錄者歐陽氏七十五卷趙氏多歐陽九十三卷而闕其六自中原厄於兵南北壤斷遺刻耗矣予廿年訪求尚闕趙錄四之一而近歲新出者亦三十餘趙蓋未已也旣法其字爲之韻復辯其文爲之釋使學隸者藉書以讀碑則歷歷在目而咀味菁華亦翰墨之一助唯老子張公神費鳳三數碑有撰人名氏若華山亭爲衛覲之文見於它說者特一二耳其文或險而難解澁而太鑿者譬之紀甌郛鼎皆三代僅存之器其剝缺不成章與魏初之

文數篇附于後如斷圭殘璧亦可寶自劉熹賈逵已下字畫不足取者皆不著矣

洪侍講論隸後八分 自篆捷於漢而爲隸變於魏八分於晉宋隋唐之間以分視隸猶康瓠之與周鼎也而唐人篤好之漢法益亡杜子美詩云倉頡鳥跡旣茫昧字體變化如浮雲陳倉石鼓又已訛大小二篆生八分又曰中郎石經後八分蓋憔悴則涇渭雜揉以分爲隸雖杜子美有不能知

洪丞相跋隸書水經曰上郡王次仲變倉頡舊文爲隸秦皇三召不至令檻車送之次仲化爲大鳥落翮於居庸山中又曰篆字文繁無會劇務秦用隸人之省謂之隸

書或云卽程邈於雲陽增損者孫暢之嘗見青州刺史說臨苗人發古塚得桐棺隱起爲字言齊太公六世孫胡公之棺惟三字是古餘同今隸書證知隸自古出非始於秦其說固已二三按齊胡公以周孝王時卒歷數世至宣王時始有大篆又數百年至秦有小篆旣云隸出於篆不應篆未萌而隸先作也書傳多以隸爲程邈所造兩漢書亦云然當據正史爲是

漢隸精萃論分隸在秦漢時兼有今之言漢字者則謂之隸言唐字者則謂之分殆不知在秦漢時分隸已兼有之唐張瓌書斷云蔡邕八分入神隸入妙又云張昶八分碑在華陰今華山所存漢碑凡四華亭一碑迺昶

分書也又云八分者秦羽人上谷王次仲所作始皇時
官務稍多得次仲文簡畧赴急速之用甚喜遣使三召
不至漢和帝時賈魴用隸字寫三倉隸法由茲而廣蓋
八分爲小篆之捷而隸又八分之捷其贊八分則曰龍
騰虎踞今勢非一交戟橫戈兮氣雄逸其贊隸則曰摧
鋒劍折落點星垂詳其說而察其字則孫機碑及華亭
碑爲漢人八分無疑

梁庾元威作書論載隸有十餘種曰芝英隸花草隸幡信
隸鍾鼎隸龍虎隸鳳魚隸麒麟隸仙人隸科斗隸雲隸
蟲隸龜隸鸞隸此碑蓋其間之一體

漢人隸法有所謂省文如爵之爲爵鶴之爲雀是也經傳

多書蟻作蛾似亦是省文左傳蛾析戴記蛾子時術列
子未聚禽獸蟲蛾黃帝紀淳化鳥獸蟲蛾元帝紀白蛾
群飛蔽日長楊賦扶服蛾伏皆讀蛾爲蟻隸釋仲秋下
旬碑有蛾附之句此云蜂聚蛾動亦蟻省也

古文字義

魯峻碑釋文 周官注云儀義二字古皆音俄詩以實惟
是儀協在彼中阿樂且有儀協在彼中阿太元亦以各
遵其儀協不偏不頗左傳音蛾析作蟻徐廣音儀船作
蛾漢碑凡蓼莪皆作蓼儀此碑又作蓼義

魏元不碑釋文 范蔚宗避其父諱後漢書無泰字郭林
宗鄭公業之名易之漢人書碑廟號太宗官名如太尉

太常太中地名如太原太行之類皆作大泰山亦作大
此碑載魏君之母却作泰夫人其用字故相反如此
劉寬神道碑釋文 漢隸太字不用點獨高頤及此二碑
有之

歐陽集古錄 漢故北海相景君碑銘有云不永麋壽余
家集錄三代古器銘有云眉壽者皆爲麋壽蓋古字簡
少通用至漢猶然也

集古錄云雒陽令王君闕以洛爲雒按顏師古注地理志
曰魚豢云漢火行忌水收去洛水加佳師古謂光武以
後始改爲雒

弘農太守張君碑釋文 漢人用字有假借者有通用者

篇莫加於類篇韻莫善於集韻所載隸古以石刻校之

則攬據尚多脫略隸法皆以悠作悠此碑又省作悠稽

之篇韻咸無焉聊因論此擬急就之一章云滂喜悠悠

森繼滂喜悠悠獨無繼出袁良孫叔敖司馬君彖漢

離男采世張納孔曉袁逢感伯著富春丞碑騁異早

旂隊美畜騁異爭新陸筆意出周憬伯著樊斷提盟籍

戴蘭威斷據圖籍載一二出楊陵孟郁姪華農氏義農

老子清邦舜禹出鄭固終華龍終春秋出孔宙

陳鄧魯陳鄧魯出楊震爰暴轟劉暴轟出潘乾俞廟楸

俞廟楚出孔耽基穿迹孔耽靈臺碑磬劉昨出達童

周憬祝畢憂真劉寬郊令碑最疏耽張壽孫叔教碑

姓葉蘭

解葉蘭出逢重華山亭北海相碑

衆孟呂

衆孟呂出王純景渴者孟郁碑 素篋

禮乘典

禮出帝堯孔和碑

番律渡

垂律度出孔聰樊敏孟郁碑

便術顯

顯出

魯峻孟郁

耐祿屢

爵祿屢出熊君度尚李翁碑

鳳雲霜露星電燿

雲

郭仲奇碑

度尚李翁碑

豐遵壺光璵鼎

璵鼎

衛方李翁高彪周憬孟郁碑

三公山孫根碑

黍稷香馥慶血犧

逢祝睦次二字

滌濟蠶裙盧響

蔡湛淮南廟孔彪蔡湛

帝堯孟郁

鳩獸冒魴鰓麟龜

樊毅唐公房靈臺唐扶孔

甫威伯

道邊通達遭過遁

道邊通達遭過隨出高劉脩

碑 淵淡闕與表出父

則深闕與表出之出表良孔謙吳公韓勅

凡此之類皆

非假借字書所不應棄蔡伯喈奉熹平之詔列鴻都之碑晚學咸所取正未嘗一字好奇也如前急就雖曰漢

人典刑亦石經之所不取今之學者事不師古乃緣手
隨筆變點畫篡偏旁以取新尚怪爲能間有所據不過
魏晉以後字體爾此膏肓之疾也

蜀郡太守何君閣道碑 光武中元二年刻此碑蜀中近
出東漢隸書斯爲之首字法方勁古意有餘如瞻冠章
甫而衣逢掖者使人起敬不暇雖敗筆成象未易窺其
藩籬也

建平郾縣碑 建平者哀帝之紀年此碑却無篆體乃西
京之佐書也隸法雖自秦始蓋取其簡易施之徒隸以
便文書之用未有點畫俯仰之勢終西京之世學士大
夫不留意此書故爨鼎所識碑碣所刻皆不復用之觀

此數字可見當時之書法

論墓碑之始 東都自路都尉始見墓闕蓋表阡銘壙之
濫觴也有文而傳于今則自謁者景君始齊樊穆妃議
立石誌王儉以爲非禮經所出元嘉中顏延之輩爲之
遂相祖述爾梁任昉作文章緣起又云墓碑自晉始予
考鄴氏水經所載漢刻已不少後魏與齊梁時相先後
也豈碑碣多在北方南人未之見乎然郭林宗傳云林
宗旣葬同志者立碑蔡邕爲其文謂盧植曰吾爲碑銘
多矣唯郭有道無媿色史稱王儉晉宋以來故事儀典
諳憶無遺每博議引證先儒無能異者范書所載豈不
知之今漢人墓刻猶存數十百碑其云始於晉宋非也

皇明

嘉靖十三年七月 世宗重書 九朝寶訓及 實錄建
皇史宬于 重華殿西貯之 御書歲字偶誤欲更
之孚敬曰惟 天子考文此書卽爲綸綍勿更 上悅

續文獻通考一百八十六